

四庫全書

集部

欽定四庫全書

萬首唐人絕句卷二十

宋 洪邁 編

五言

端午侍宴

張說

甘露垂天酒
芝盤捧御書
含丹希蠅蛭
灰骨慕蟾蜍

陽春曲

米茨生前徑
含桃落小園
春心自搖蕩
百舌更多言

估客樂

海客乘天風將船遠行役譬如雲中鳥一去無蹤跡

舍利佛

金繩界寶地珍木蔭瑤池雲間妙音奏天際法蟲吹

摩多樓子

從戎向邊北遠行辭密親借問陰山候還知塞上人

樂府二首

孟郊

綠萍與荷葉同此一水中風吹荷葉在綠萍西復東

蓮花未開時苦心終日卷春水徒蕩漾荷花未開展
征婦怨三首

良人昨日去明月又不圓別時各有淚零落青樓前
生在絲蘿下不識漁陽道良人自成來夜夜夢中到
漁陽千里道近如中門限中門踰有時漁陽長在眼

金吾子

李益

繡帳博山鑪銀鞍馮子都黃昏莫攀折驚起欲栖烏

鷓鴣詞

湘江斑竹枝錦翅鷓鴣飛處處湘雲合郎從何處歸

立秋前一日覽鏡

萬事銷身外生涯在鏡中惟將滿鬢雪明月對秋風

代人乞花

繡戶朝眠起開簾滿地花春風解人意吹落妾西家

上洛橋

金谷園中柳春來似舞腰何堪好風景獨上洛陽橋

揚州懷古

故國歌鐘地長橋車馬塵
彭城閣邊柳偏似不勝春

水宿聞雁

早雁忽爲雙
敬馬秋風水窻夜長人自起
星月滿空江

揚州早雁

江上三千雁
年年過故宮
可憐江上月偏照斷根蓬

下漏樓

話舊今應遠
逢春喜又悲
看花行拭淚
倍覺下樓遲

過友人莊

王維

故人具雞黍邀我至田家綠樹村邊合青山郭外斜

過張女郎廟作含嬌曲二首 沈警

命嘯無人嘯含嬌何處嬌徘徊花上月空度可憐宵
靡靡春風至微微春露輕可惜關山月還成無用明

嘲趙郎中

賀遂涉

員外由來美郎中望不優寧知粉署裏翻作土山頭

荅

錦帳隨情設金鑪任意薰唯愁員外置不應列星文

贈柳先生

僧皎然

一見高山老吾生恨太遲問君年幾許曾見上皇時

酬李紓補闕

不住東山寺雲泉處處行近臣那得識禪客本無名

湖南蘭若

未到無爲岸空憐不繫舟東山白雲意歲晚尚悠悠

答李蘭

天女來相試將花欲染衣禪心竟不起還捧舊花歸

法華寺望高峰贈如獻上人

峰色秋天見松聲靜夜聞影孤長不在行道入深雲

贈陸羽

只將陶與謝終日可忘情不欲多相識逢人嬾道名

留別閻士和

不慣人間別多應忘別時逢山又逢水只却恐來遲

浣紗女

清淺白沙灘綠蒲尚堪把家住水東西浣紗明月下

界石守風望天竺靈隱

山頂東西寺江中旦暮潮歸心不可到松路在青霄

九日與陸處士飲茶

九日山僧院東籬菊也黃俗人多泛酒誰解助茶香

望遠邨

林杪不可分水步遙難辨一片山翠邊依稀見邨遠

惜暮景

疎陰花不動片景松梢度晏日舊來長佳遊何易暮

待山月

夜夜憶故人長教山月待今宵故人至山月知何在

雜興二首

人生分已定富貴豈妄來不見海底泥飛上成塵埃
吾道本無我未曾嫌世人如今到城市彌覺此心真

前溪作

春歌已寂寂古水自涓涓徒誤時人輩傷心作逝川

偶作

樂禪心自蕩吾道不相妨獨晤歌還笑誰言老更狂

春陵登望

西底空流水東垣但聚雲最傷梅嶺望花雪正紛紛

寄朱兵曹

獨自聽寒更寒更發還住一夜千萬聲幾聲到君處

少年行二首

貫休

自拳五色毬进入他人宅却捉蒼頭奴玉鞭打一百
面白如削玉猖狂曲江曲馬上黃金鞍適來新賭得

春野作

大牛若耕田乳犢望似泣萬事皆天意綠草頭戢戢
寒江上望

荒岸燒未死白雲癡不動極目無人行浪打取魚籠

懷故園

脩睦

故園歸未得此日意何傷獨坐水邊草水流春日長

題天姥

天台衆峯外歲晚當寒空有時半不見崔嵬在雲中

遠公墓

古墓石稜稜寒雲晚景凝空悲虎溪月不見雁門僧

城上吟

子蘭

古塚密於草新墳侵古道城外無閒地城中人又老

放鷺鷥

齊己

潔白雖堪愛腥膻不奈何到頭從所欲還汝舊滄波

送僧遊香山寺

君到香山寺探幽莫損神且尋風雅主細看樂天真

撲滿子

祇愛滿我腹爭知滿害身到頭須撲破却散與他人

風

薛濤

獵蕙微風遠飄絃喉一聲林梢明浙瀝松徑夜淒清

宣上見示與諸公唱和

許厠高齊唱涓泉定不知可憐譙記室流水滿禪居

蟬

露滌音清遠風吹故葉齊聲聲似相接各在一枝棲

月

魄依鉤樣小扇逐漢機團細影將圓質人間幾處看

池上雙鳬

雙棲綠池上朝去暮飛還更憶將雛日同心蓮葉間

春望詞四首

花開不同賞花落不同悲欲問相思處花開花落時
檻草結同心將以遺知音春愁正斷絕春鳥復哀吟
風花日將老佳期猶渺渺不結同心人空結同心草

卷二十
那堪花滿枝翻作兩相思玉簪乘朝鏡春風知不知

陳情上韋令公

聞道邊城苦今來到始知羞將門下唱唱與墮頭兒

採桑

郎大家宋氏

春天南雁歸日去西蠶遠妾思紛何極客遊殊未返

映水曲

范靜妻沈氏

輕鬢學浮雲雙蛾擬初月水澄正落釵萍開理垂髮

昭君歎二首

早信丹青巧重貨洛陽師千金買蟬鬢百萬寫蛾眉
今朝猶漢地明旦入邊關情寄南雲反思逐北風還

登樓曲

憑高川陸近望遠阡陌多相思隔重嶺相憶恨長河

越城曲

別怨悽歌響離啼濕舞衣願假烏棲曲翻從南向飛

當壚曲

逶迤飛塵唱宛轉繞牀聲調絃可以進蛾眉畫未成

題洛苑梧葉上

明皇宮人

一入深空裏年年不見春
聊題一片葉寄與有情人

別本

舊事悲秋扇新恩寄早春
聊題一片葉將寄接流人

同前

宣宗宮人

流水何太急深宮盡日間
殷勤謝紅葉好去到人間

途中覽鏡

徐九臯

四海遊長倦百年行半侵
賴窺明鏡裏時見丈夫心

湘中怨諷

鄭僕射

青鵝苦幽獨，隔江相對稀。
夜寒蘆葉雨，空作一聲歸。

更著宴詞

沈詢

莫打南來雁，從他向北飛。
打時雙打取，莫遣兩分離。

芭蕉

路德延

一種靈苗異，天然體性虛。
葉如斜界紙，心似倒抽書。

明月三五更

崔氏鶯鶯

待月西廂下，迎風戶半開。
拂牆花影動，疑是玉人來。

絕張生

棄置今何道當時且自親
還將舊來意憐取眼前人

伊川歌五首

蓋嘉運

聞道黃花成頻年不解兵
可憐閨裏月偏照漢家營
千里東歸客無心憶舊遊
挂帆遊白水高枕到青州
挂殿江烏對雕屏
海燕重祇應多釀酒
醉把樂高鍾
行樂三陽早芳菲二月春
閨中紅粉態陌上看花人
君住孤山下煙深夜徑長
轅門度綠水游苑遶垂楊

陸州歌七首

分野中峯變陰晴衆壑殊欲投人處宿隔浦問樵夫
共得煙霞逕東歸山水遊蕭蕭望林夜寂寂坐中秋
香氣傳空滿妝花映薄紅歌聲天仗外舞態御樓中
樹發花如錦鶯啼柳若絲更逢歡宴地愁見別離時
明月照秋葉西風響夜砧彊言徒自亂往事不堪尋
坐對銀缸曉停留玉筋痕君門常不見無處謝前恩
曉月當窻滿征人出塞迢畫樓終日閉清管爲誰調

水調歌二首

雙帶仍分影同心巧結香不應頻換彩意欲媚紅妝
閨燭無人影羅屏有夢魂近來音耗絕終日望君門

凱樂歌三首

破陣樂

受律辭元首相將討叛臣咸歌破陣樂共賞太平人

賀聖歡

四海皇風被千年德水清戎衣更不着今日告功成

君臣同慶樂

主上開昌歷臣忠奉大猷君看偃革後便是太平秋

題玉泉溪

湘驛女子

紅樹醉秋色碧溪彈夜弦佳期不可再風雨杳如年

詠兔

蘓頌

兔子死蘭彈持來挂竹竿試將明鏡照何異月中看

西鄙哥舒歌一首

北斗七星高哥舒夜帶刀至今窺牧馬不敢過臨洮

萬首唐人絕句卷二十

欽定四庫全書

萬首唐人絕句卷二十一

宋 洪邁 編

五言

樂府詞二十二首

長命女

雲送關西雨風傳渭北秋
孤燈然客夢寒杵搗鄉愁

一片子

柳色青山映梨花雪鳥藏綠窻桃李下閒坐歎春芳

甘州

欲使傳消息空書意不任寄君明月鏡偏照故人心

濮陽女

雁來書不至月照獨眠房賤妾多愁思不堪秋夜長

山鷓鴣二首

玉關征戍久空閨人獨愁寒露濕青苔別來蓬鬢秋
人坐青樓晚鶯語百花時愁多人自老腸斷君不知

浣紗女二首

南陌春風早東鄰去日斜
千花開瑞錦香撲美人車
長樂青門外宜春小苑東
樓開萬戶上人向百花中

戎渾

風勁角弓鳴將軍獵渭城
草枯鷹眼疾雲盡馬蹄輕

墻頭花

蟋蟀鳴洞房梧桐落金井
爲君裁舞衣天寒剪刀冷

楊下采桑

飛絲惹綠塵軟葉對孤輪今朝入園去物色強看人
胡渭川

楊柳千尋色桃花一苑芳風吹入簾裏唯有惹衣香

金殿樂

入夜秋砧動千門起四鄰不緣樓上月應爲隴頭人

思歸樂

晚日催絃管春風入綺羅杏花如有意偏落舞衫多

穆護砂

玉管朝朝弄清歌日日新折花當驛路寄與隴頭人

崑崙子

揚子談經去淮王載酒歌醉來啼鳥換坐久落花多

涼州歌

開篋淚霑襦見君前日書夜臺空寂寞猶是紫雲車

袞襖曲二首

昨見春條綠那知秋葉黃蟬聲猶未斷寒雁已成行
何處堪愁思花開長樂宮君王不重客泣淚向春風

大酺樂

淚滴珠難盡容殘玉易銷倘隨明月去莫道夢魂遙

長干曲

逆浪故相邀菱舟不怕搖妾家揚子住便弄廣陵潮

于闐采花

山川雖異所草木尚同春亦如秦汧地自有采花人

蜀門與林蘊分路

歐陽詹

村步如延壽川原似福平無人相共識獨自故鄉情

讀周太公傳

論兵去商虐講德興周道屠沽未遇時豈異茲川老

秋燈

王建

向壁暖悠悠對幃寒寂寂斜照碧山圓松間一片石

水精

映色水不別向光月還度傾在荷葉中有人看是露

香印

閒坐燒香印蒲房松栢氣火盡轉分明青苔碑上字

落葉

陳綠向參差初紅已重疊中庭新掃地繞池三兩葉

園果

雨中梨果病每樹無數箇小兒出入看一半鳥啄破

野菊

晚艷出荒籬冷香著秋水憶向山中見伴蟲石壁裏

荒園

朝日滿園霜牛銜籬落壤掃掠黃葉中時時一窠薤

晚蝶

粉翅嫩如水繞砌乍依風日高霜露解飛入菊花中

小松

小松初數尺未有直生枝閒即傍邊立看多長却遲

戲酬盧祕書

芸香閣裏人採摘御園春取此和仙藥猶治老病身

別自栽小樹

去年今日栽臨去見花開好住守空院夜間人不來

奉和元日賜羣臣栢葉

趙彥昭

器乏雕梁器材非造厦材但將千歲葉常奉萬年杯

同前

李乂

勁節凌霜勁芳心待歲芳能令益人壽非止麝金香

同前

武平一

綠葉迎春綠寒枝歷歲寒願持栢葉壽長奉萬年歡

酬崔法曹遺劍

戴叔倫

臨風脫佩劍相勸靜烟塵自料無筋力何由答故人

敬報孫常州二首

衰病苦奔走未嘗追舊遊何言問憔悴此日駐方舟
遠道曳故屐餘春會高齋因言別離久得盡平生懷
將赴東陽留上包諫議

敝邑連山遠仙舟數刻同多慚屢回首前路在泥中
荅崔法曹

後會知不遠今歡亦願留江天梅雨散況在月中樓
問嚴居士易

自公來問易不復待加年更有垂簾會遙知續草玄

新年第二夜荅處上人宿玉芝觀見寄

陽春已三日會友聞昨夜可愛剡溪僧獨尋陶景舍

赴撫州對酬崔法曹曉燈離暗室五首

雨落濕孤客心驚比棲鳥空階夜滴繁相亂應到曉
高會棗樹宅清言蓮社僧兩鄉同夜雨旅館又無燈
離字一首見第九卷

離室雨初晦客程雲斗暗方爲對吏人敢望郵童探

縱酒常擲盞狂歌時入室離羣怨雨聲幽抑方成疾
又酬夜雨滴空堦五首

知疑奸叟謗閒與情人話猶是別時燈不眠同此夜
寒燈揚曉焰重屋驚春雨應想遠行人路逢泥濘阻
燈光照虛屋雨影懸空壁一向簷下聲遠來愁處滴
楚僧話寂滅俗慮比虛空賴有殘燈喻相傳昏暗中
雨聲亂燈影明滅在空堦併在五言贈知同萬里懷

同賦龍沙墅

回轉沙岸近歌斜林頻重因君訪遺跡此日見真龍

九月十日

李白

昨日登高罷今朝更舉觴菊花何太苦遭得兩重陽

夜集聯句

顏真卿

寒花護月色墜葉占風音茲夕無塵慮高雲共片心

題慈恩塔

荊叔

漢國河山在秦陵草樹深暮雲千里色無處不傷心

幽州元日

張說

今歲元日樂不謝去年春知向來心道誰爲昨夜人

三月閨怨

三月時將盡空房妾獨居蛾眉愁自結鬢髮沒情梳

立秋

劉言史

絃晨戒流火商飈早已驚雲天收夏色木葉動秋聲

夏至日作

權德輿

璿樞無停運四序相錯行寄言赫曦景今日一陰生

剪綵花

雍裕之

敢競桃李色自呈
刀尺功蝶猶迷剪
翠人豈辯裁紅
三月晦日送客

野酌亂無巡
送君兼送春
明年春色至
莫作未歸人

聽琴

王玄

拂塵開按匣
何事獨顰眉
古調俗不樂
正聲君自知

對雨送人

崔署

別愁復兼雨
別淚還如霰
寄心海上雲
千里長相見

贈李中華

梁鎰

莫向嵩山去神仙多誤人不如朝魏闕天子重賢臣

晦日送窮三首

姚合

年年到此日瀝酒拜街中萬戶千門看無人不送窮
送窮窮不去相泥欲何爲今日官家宅淹留又幾時
古人皆恨別此別恨銷魂只是空相送年年不出門

醉吟三首

洪崖先生張蘊

去歲無田種今春乏酒材從他花鳥笑佯醉卧樓臺
下調無人采高心又被瞋不知時俗意教我若爲人

入市非求利過朝不爲名有時隨俗物相伴且營營

閏月七日

王灣

耿耿曉河微神仙此會稀今年七月閏應得兩回歸

九日

王勃

九日重陽節開門有菊花不知來送酒若箇是陶家

嘲三月十八日雪

溫庭筠

三月雪連夜未應傷物華只緣春欲盡留着伴梨花

寒食日戲贈李侍御

盧延讓

十二街如市紅塵咽不開
洒蹄驄馬汗沒處看花來

公子家

種花滿西園花發青樓道
花下一禾生去之爲惡草

田家二首

後一首李紳亦有

父耕原上田子斲山下荒
六月禾未秀官家已修倉
鋤田當日午汗滴禾下土
誰念盤中餐粒粒皆辛苦

戲題莆田受杖染人壁

柳逢

紫綠終朝染因何不識非
莆田竹木貴背負十柴歸

重陽日陪元魯山登北城留別 蕭穎士

山縣遶古堞悠悠快登望雨餘秋天高目盡無隱狀
綿連洿川迥杳眇鴉路深彭澤興不淺臨風動歸心
賴茲鳴琴暇傲睨傾菊酒人和歲已登從政復何有
遠山十里竝一道銜長雲青霞半落日混合疑晴曛
漸聞驚栖羽坐歎清夜月中歡愴有違行子念明發
僅能泯寵辱未免傷別離江湖不可忘風雨勞相思
明時當盛才短伎安所設何日謝百里從君漢之滌

九日進茱萸山五首

徐行先

家居洛城下舉目見嵩山刻作茱萸節情生造化間
黃花宜泛酒青岳好登高稽首明庭內心爲天下勞
菊酒携山客茱萸繫牧童路疑尋大塊人似問鴻濛
九日重陽數三秋萬寶成時來謁軒后罷去坐蓬瀛
晚節歡重九高山上五千醉中知偶聖夢裏見尋仙

江令於長安歸揚州九日賦 許敬宗

心逐南雲逝形隨北鴈來故鄉籬下菊今日幾花開

擬江令

本逐征鴻去還隨落葉來
菊花應未滿請待詩人開

同前擬

遊人倦蓬轉鄉思逐鴻來
偏想臨潭菊芳藥對誰開

寄融上人

皎然

常愛西林寺池中月在時
芭蕉一片葉書取寄吾師

送靈澈

我欲長生夢無心解傷別
千里萬里心只似眼前月

遠意

女郎梁瓊

脉脉長攄氣微微
不離心叩頭從此去
煩惱阿誰禁

續父井梧吟

薛濤

庭除一古桐
聳榦入雲中
枝迎南北鳥
葉送往來風

萬首唐人絕句卷二十一

欽定四庫全書

萬首唐人絕句卷二十二

宋 洪邁 編

五言

狀江南十二月景十二首

鮑防

江南孟春天
荇葉大如錢
白雪裝梅樹
青袍似葑田

謝良輔

江南仲春天細雨色如烟疎為武昌柳布作石門泉

嚴維

江南季春天蓴菜細如絃湖邊草作徑湖上葉如船

賈弇

江南孟夏天慈竹笋如編蜃氣為樓閣蛙聲作管絃

樊珣

江南仲夏天時雨下如川盧橘垂金彈甘蔗吐白蓮

范澄

江南季夏天身熱汗如泉蚊蚋成雷澤袈裟作水田

鄭槩

江南孟秋天稻花白如氈素腕慚新藕殘妝妬晚烟

沈仲昌

江南仲秋天鱣鼻大如船雷是樟亭浪苔為界石錢

劉蕃

江南季秋天粟實大如拳楓葉紅霞舉蘆花白浪穿

謝良輔

江南孟冬天
荻穗軟如綿
綠絹芭蕉裂
黃金橘柚懸

呂渭

江南仲冬天
紫蔗節如鞭
海將鹽作雪
山用火耕田

丘丹

江南季冬天
紅蟹大如鰻
湖水龍為鏡
鑪峰氣作烟

太原召侍臣守歲

太宗

四時運灰琯
一夕變冬春
送寒餘雪盡
迎歲早梅新

續薛令之

明皇

啄木觜距長鳳凰毛羽短若嫌松桂寒任逐桑榆暖

潼關口號

河曲回千里關門限二京所嗟非恃德設險致天平

宮中題

文宗

輦路生春草上林花發時憑高何限意無復侍臣知

夏日聯句

下句柳公權

人皆苦炎熱我愛夏日長薰風自南來殿閣生微涼

贈婦

鄰士

吹火朱脣動添薪玉腕斜遙看烟裏面大似霧中花

戲膳部

張敬心

有意嫌兵部專心取考功誰知脚蹭蹬却落省牆東

題僧院二首

呂羣

路行三蜀盡身及一陽生賴有殘燈火相依坐到明
社後辭巢燕霜前別蒂蓬願為蝴蝶夢飛去覓關中

識詩

李遐周

燕市人皆去函關馬不歸若逢山下鬼環上擊羅衣

題潞州壁

僧普滿

此水連涇水雙珠血滿川青牛將赤虎還賀太平年

同夫游秦

元載妻王氏

路掃饑寒跡天哀志氣人休零離別淚携手入西秦

送韋生酒

鮑生妾

白露濕庭砌素月臨前軒此時去留恨含思獨無言

陳嬌詞

鸚鵡阿蘇兒

昔請馬相如為作長門賦縱使費千金君王終不顧

迎月二首

水府真君

日落烟水黯驪珠色豈昏寒光射萬里霜縞遍千門
玉魄東方開嫦娥逐影來洗心兼滌目光景游春臺

贈劉商

廣陵道士

無事到揚州相携上酒樓藥囊為贈別千載更何求

贈郭翰二首

織女

河漢雖云闊三秋尚有期情人終已矣良會更何時
朱閣臨清漢瓊宮結紫房佳期情在此只是斷人腸

荅二首

郭翰

人世將天上由來不可期
誰知一回顧更作兩相思
贈枕猶香澤啼衣尚淚痕
玉顏霄漢裏空有往來魂

五真導意五首

馬信真

幾劫澄煩思今身僅小成
誓將雲外隱不向世間行

徐湛真

綽約離塵世從容上太清
雲衣無綻日鶴駕沒遙程

郭修真

華岳無三尺東瀛僅一杯入雲騎彩鳳歌舞上蓬萊

夏守真

共作雲山侶俱辭世界塵靜思前日事拋却幾年身

楊敬真

人世徒紛擾其生似薜蘿誰言今夕裏俛首視雲霞

游兜玄國

張佐

風暖景和異異香馥林塘登高一長望信美非吾鄉

贈沈警鏡

張女郎

憶昔窺寶鏡相望看明月彼此俱照人莫令光影滅

贈沈警金縷合歡結歌

小女郎

心纏萬結縷結縷幾千回結怨無窮極結心終不開

別後篇

飛牋報沈郎尋已到衡陽若存金石契風月兩相望

感懷示許漢陽

洞庭龍女

海門連洞庭每去三千里十載一歸來辛苦瀟湘水

贈楊正伯

女郎

君子竟迷執無由達情素明月海上山秋風獨歸去

冢上答唐太宗

慕容垂

我昔勝君昔君今勝我今榮華各異代何用苦追尋

夜吟

巴峽人

秋徑填黃葉寒崖露草根猿聲一叫斷客淚數重痕

謝人致祭

河湄枯骨

我本邯鄲士祗役死河濱不得家人哭勞君行路悲

感巫州薺菜

高力士

兩京作斤賣五溪無人採夷夏雖有殊氣味終不改

贈亡妻張氏

唐晁

嶧陽桐半死延津劍一沈如何宿昔內空負百年心

荅二首

張氏

不分殊幽顯那堪異古今陰陽途自隔聚散兩難心
蘭堦兔月斜銀燭半含花自憐長夜客泉路以為家

寄夫周混

韋璜

不得長相守青春天薜華舊遊今永已泉路却為家

題虎丘山上

幽獨君

幽明雖異路平昔忝工文欲知潛寐處山北兩孤墳

洋州館亭吟

竇裕

家依楚水岸身寄洋州館望月獨相思塵襟淚痕滿

夢贈沈萇浮雲詩

陸憑

虛虛復空空瞬息天地中假合成此像吾亦非吾躬

悲吟呈李績

韓弁

我有敵國讐無人可為雪每至漳河頭遊魂自嗚咽

贈李章武二首

王氏婦

河漢已傾斜神魂欲超越願郎更回抱終天從此訣
昔辭懷後會今別便終天新悲與舊恨千古閉窮泉

答王婦二首

李章武

分從幽顯隔豈謂有佳期寧辭重重別所歎去何之
後期杳無約前恨已相尋別路無行信何因得寄心

贈臨淄縣主

獨孤穆

金閨久無主羅袂坐生塵願作吹簫伴同為騎鳳人

答獨孤穆

縣主

朱軒下長路青草啟孤墳猶勝陽臺上空看朝暮雲

來家娘子歌一首

平陽縣中樹久作廣陵塵不意何郎至黃泉重見春

述懷示祖價三首

商山孤館書生

家住驛北路百里無四鄰往來不相問寂寂山家春
南岡夜蕭蕭青松與白楊家人應有夢遠客已無腸

寒草白露裏亂山明月中是夕苦吟罷寒燭與君同

獨遊家園

萬商妻孟氏

可惜春時節依前獨自遊無端兩行淚長祇對花流

賦少年

誰家少年兒心中暗自欺不道終不可可即恐郎知

報孟氏

少年

神女配張碩文君遇長卿逢時兩相得聊足慰多情

幽恨篇

安邑坊女子

卜得上峽日秋天風浪多江陵一夜雨腸斷木蘭歌

贈沈恭禮

湖城女密陀僧

黃帝上天時鼎湖元在茲七十二玉女化作黃金芝

商館聯句二首

蕭中郎

秋月圓如鏡秋風利似刀秋雲輕比絮秋草細同毛
山樹高高影山花寂寂香山天遙歷歷山水急湯湯

和鄭郊吟

陳蔡間冢中人

冢上兩竿竹風吹常裊裊下有百年人長眠不知曉

寄兄

李叔霽

急作無期別沈寘恨有餘長安雖不遠無信可傳書

夢中贈主

崔暇妾

莫以貞留妾從他理管絃客華難久駐知得幾多年

夢寄夫

蘇檢妻

楚水平如鏡周回白鳥飛金陵幾多地一去不知歸

題州牧廳

昌州鬼

物類易遷變我行人不見珍重任彥思相別日已遠

題戶牖

張不疑青衣金條

幽室鎖妖艷無人蘭蕙芳春風三十載不盡羅衣香

謔隴城杜令二首

東柯院妖

雖共蒿蘭伴南朝有宗祖莫打綠袍入空中且歌舞
堪憐木邊土非兒不似女瘦馬上高山登臨何自苦

為楊稹歌

石窰寺紅裳

金殿不勝秋月斜石樓冷誰是相顧人褰幃弔孤影

對牛虎吟

甯茵

曉讀雲水靜夜吟山月高焉能履虎尾豈用學牛刀

南山將軍班寅一首

虎

但得居林嘯焉能當路蹲渡河何所適終是怯劉琨

桃林處士班特一首

牛

無非憐甯戚終是怯庖丁若遇龔為守蹄涔向北溟

摘萱草吟

魏王池畔女子

彼見是亡憂此看同腐草青山與白雲方展我懷抱

贈焦封

蜀道夫人

妾失鴛鴦伴君方萍梗避少年懼酒後必恐苦相留

送焦封

鵲橋織女會也是不多時今日送君處羞言連理枝

酬夫人

焦封

心常名宦外終不恥狂遊悞入桃源裏仙家爭肯留

留別

但保同心結無勞織錦詩蘇秦求富貴自有一回時

夢中唱送北人酒二首

張生妻

切切夕風急露滋庭草濕良人去不回焉知掩閨泣
螢火穿白楊悲風入荒草疑是夢中遊愁迷故園道

歌送張生妻

長鬚人

花前始相見花下又相送何必言夢中人生盡如夢

贈內

申屠澄

一官慚梅福三年愧孟光此情何所喻川上有鴛鴦

妻答一首

真符女子

琴瑟情雖重山林志自深常憂時節變辜負百年心

銅駝坊柳二首

柳藏經

寒水停圓沼，秋池滿敗荷。
杜門窮典籍，所得事全多。
誰謂三才貴，予觀萬化同。
心虛嫌蠹食，年老怯狂風。

夢人贈詩

盧獻卿

上築郊原古，青山唯四鄰。
扶疏繞屋樹，寂寞獨歸人。

寄非烟

趙象

一覩傾城貌，塵心只自猜。
不隨蕭史去，擬學阿蘭來。

別酒主人

山中客

酒盡君莫沽壺乾我當發城市多囂塵還山弄明月

萬首唐人絕句卷二十二

欽定四庫全書

萬首唐人絕句卷二十三

宋洪邁編

五言

原缺

欽定四庫全書

卷二十三

萬首唐人絕句卷二十三

欽定四庫全書

萬首唐人絕句卷二十四

宋洪邁編

五言
原缺

欽定四庫全書



萬首唐人絕句

萬首唐人絕句卷二十四

欽定四庫全書

萬首唐人絕句卷二十五

宋洪邁編

五言
原缺



萬首唐人絕句卷二十五